

JU ZAVOD ZA MEDICINU RADA KANTONA SARAJEVO, ul. Bulevar Meše Selimovića br. 2., Sarajevo, koga zastupa direktor Dr sci. Mirsad Čabaravdić, dr med. (u daljem tekstu: Kupac)

i

„**SARAJEVO-FARM**“ d.o.o. Sarajevo, ul. Hasana Brkića br. 2., Sarajevo, koga zastupa direktor Hebibović Edin (u daljem tekstu: Prodavac),

zaključili su dana 26.04.2017. godine

OKVIRNI SPORAZUM

o nabavci laboratorijskih reagenasa za biohemijski laboratorij

Član 1.

Predmet ovog Okvirnog sporazuma su **laboratorijski reagensi** za biohemijski laboratorij kako je navedeno u specifikaciji ponude koja je sastavni dio Okvirnog sporazuma.

Član 2.

Okvirni sporazum se zaključuje na period od 12 mjeseci, odnosno najkasnije do finansijskog ispunjenja. Maksimalna vrijednost Okvirnog sporazuma iznosi do 50.000,00 (pedesethiljada) KM bez PDV-a.

Član 3.

Pojedinačne cijene robe definisane su specifikacijom ponude koja je sastavni dio ovog Okvirnog sporazuma.

Robe će se nabavljati sukcesivno, tokom perioda važenja Okvirnog sporazuma, a što će se definisati pojedinačnim pisanim narudžbama.

Kupac zadržava pravo određivanja količine roba navedenih u specifikaciji.

Član 4.

Prodavac se obavezuje, da će Kupcu isporučivati i dostavljati kontinuirano poručenu robu, u toku trajanja Okvirnog sporazuma, a prema pojedinačnim narudžbama koje ispostavi Kupac.

Član 5.

Ugovorne strane su saglasne, da se isporučena roba dostavlja na sljedeću adresu: Bulevar Meše Selimovića 2. odmah, tj. u najkraćem roku, najkasnije u roku od 5 (pet) dana i po cijeni koja je naznačena u ponudi.

Član 6.

Kupac će Prodavcu za isporučenu robu, platiti iznos naveden u fakturi, najkasnije u roku od 30 dana od dana prijema fakture, na transakcijski račun koji navede Prodavac.

Član 7.

U slučaju da Prodavac nije u mogućnosti isporučiti naručenu robu ili roba ne bude odgovarajuće kvaliteta, Kupac zadržava pravo nabaviti robu koja je predmet ovog Okvirnog sporazuma od drugog ponuđača.